



CONVENIO MARCO DE COLABORACIÓN ENTRE A UNIVERSIDADE DE SANTIAGO DE COMPOSTELA E O ONSELLO CONSULTIVO DE GALICIA

Santiago de Compostela, 4 de xullo de 2022


COMPARECEN

Dunha parte, Antonio López Díaz, reitor da **Universidade de Santiago de Compostela**, segundo o nomeamento contemplado no Decreto 35/2022, do 17 de marzo (DOG do 22 de marzo), actuando en nome e en representación desta en virtude dos poderes recollidos no artigo 20 da Lei orgánica 6/2001, do 21 de decembro, de universidades, e do Decreto 14/2014, do 30 de xaneiro, polo que se aproban os Estatutos da Universidade de Santiago de Compostela, con CIF Q-1518001-A, sede social no Colexio de San Xerome, Praza do Obradoiro, s/n, 15782 Santiago de Compostela.

E, doutra parte, José Luis Costa Pillado, actuando en nome e representación do **Consello Consultivo de Galicia**, segundo o nomeamento contemplado no Decreto 16/2021, do 1 de febreiro (DOG nº 22, do 3/2/2021), actuando en virtude das facultades conferidas polo artigo 18 da Lei 3/2014, do 24 de abril, do Consello Consultivo de Galicia e o artigo 13 do Decreto 91/2015, do 18 de xuño, polo que se aproba o Regulamento de organización e funcionamento do Consello Consultivo de Galicia; con CIF-1500011J, e sede social no Pazo de Amarante, R/Algolia de Abaixo, 24 - 2º, 15704 Santiago de Compostela

EXPOÑEN

PRIMEIRO.- A Universidade de Santiago de Compostela (en adiante USC) é unha institución pública dotada de plena personalidade xurídica, que asume e desenvolve as súas funcións como servizo público esencial á comunidade





Consello
Consultivo
de Galicia

mediante o estudo, a docencia, a investigación e a transferencia do coñecemento.

SEGUNDO.- Que, segundo os Estatutos da USC, para o mellor desenvolvemento das súas funcións, a Universidade de Santiago de Compostela propiciará o establecemento de relacións con outras Universidades, organizacións e institucións, moi en particular coas de carácter académico, científico e cultural.

TERCEIRO.- Que O Consello Consultivo de Galicia (en adiante CCG) creado pola Lei 9/1995, do 10 de novembro, e regulado na actualidade pola Lei 3/2014, do 24 de abril, é o supremo órgano consultivo e de asesoramento xurídico da Xunta de Galicia e das administracións públicas da Comunidade Autónoma de Galicia, actúa con independencia respecto de calquera órgano e, en garantía dela, goza de autonomía orgánica e funcional.

CUARTO.- Que tanto o CCG como a USC están de acordo en establecer unha colaboración nos eidos de interese común, para o que


CONVEÑEN

Estreitar as súas relacións, xuntar esforzos e establecer normas amplias de actuación que canalicen e incrementen, dentro dun marco preestablecido, os contactos e colaboracións de acordo coas seguintes

CLÁUSULAS

PRIMEIRA.- OBXECTO DO CONVENIO MARCO

O obxecto deste convenio é o establecemento dun marco de actuación para a colaboración entre a USC e o CCG en actividades docentes, formativas, de investigación xurídica e outras que sexan de interese para as dúas partes.



SEGUNDA.- MODALIDADES DE COLABORACIÓN



- Colaboración na execución de proxectos e/ou programas de investigación xurídica.
- Cooperación na organización e execución de programas de formación práctica e de actualización xurídica dirixidos á comunidade universitaria e aos profesionais do Dereito.
- Cooperación na organización de congresos, xornadas ou seminarios docentes e/ou de investigación xurídica e na publicación dos seus resultados.
- Acceso do persoal do CCG aos servizos e recursos bibliográficos da Biblioteca da USC.
- Cantas outras sexan consideradas de interese mutuo, dentro das dispoñibilidades das partes e das actividades que constitúen o obxecto do presente Acordo Marco.

TERCEIRA.- NORMAS DE COLABORACIÓN

As colaboracións derivadas deste convenio quedarán sometidas ás normas aquí indicadas, á lexislación vixente, á normativa interna de cada institución e a aquellas que se acorden para cada un dos convenios específicos, tendo en conta a natureza da colaboración e o centro onde se realice o traballo.

Non se poderá realizar ningún proxecto ou programa de actuación sen estar previamente definido e regulado nun convenio específico.

Os convenios específicos que se realicen, vinculados a este convenio marco, deberán ser aprobados polos órganos de goberno das dúas institucións e asinados polos seus representantes legais.



CUARTA.- CONTIDO DOS CONVENIOS ESPECÍFICOS

Cada proxecto e/ou programa de actuación en virtude deste convenio marco será obxecto dun convenio específico que deberá conter, entre outros, os seguintes aspectos:

- Definición do obxectivo que se persegue.
- Descripción do plan de traballo, que incluirá as súas distintas fases e a cronoloxía do seu desenvolvemento.
- Presuposto total e medios materiais e humanos que requira o citado programa, especificando as contribucións de cada entidade.
- Normas para a coordinación, execución e seguimento do proxecto.
- Normas sobre confidencialidade, propiedade industrial, publicación e explotación de resultados obtidos no desenvolvemento do proxecto, no suposto de programas de investigación.
- Nomes das persoas, unha por cada parte, que se designarán por mutuo acordo e se responsabilizarán da marcha do convenio.

QUINTA.- ESTABLECIMENTO DA COMISIÓN DE SEGUIMENTO


Para facilitar a elaboración dos convenios específicos, o seu seguimento e cumprimento, constituirase unha Comisión Mixta paritaria composta por:

- A Secretaria Xeral, ou persoa en quen delegue, e a Decana da Facultade de Dereito, en representación da USC.
- O Presidente, ou Conselleiro no que delegue, e o Secretario Xeral, en representación do CCG.



A Comisión mixta de seguimento determinará as súas normas internas de funcionamento, debéndose reunir cando o solicite algunha das partes e, polo menos, unha vez no ano.

R



SEXTA.- FUNCIONAMENTO DA COMISIÓN MIXTA

Á Comisión Mixta correspóndenlle, entre outras, as seguintes funcións:

- Propor posibilidades de colaboración en temas de interese común.
- Propor os convenios específicos de execución do presente convenio marco sobre as materias seleccionadas, dentro das modalidades de colaboración establecidas na cláusula segunda.
- Elevar as propostas que elabore ós órganos competentes das dúas partes.
- Requirir información acerca da execución dalgún convenio específico concreto vinculado ao Marco, de resultar necesario.


SÉTIMA.- EQUIPAMENTO

Os bens aportados por unha das partes nun proxecto común serán sempre da súa propiedade. A propiedade de bens inmobles ou equipos adquiridos ou construídos no marco dun proxecto común determinarase, en cada caso, no convenio específico correspondente.

OITAVA.- FINANCIAMENTO

A subscrición do presente convenio marco non comporta obrigas económicas para ningunha das partes. Para a realización das diferentes actividades estipularase a contribución económica que, dentro das súas dispoñibilidades, cada institución poida aportar. Así mesmo, poderán buscar convxuntamente ou por separado a captación doutros fondos. A fórmula da súa xestión preverase no correspondente convenio específico.

NOVENA.- CONFIDENCIALIDADE E PUBLICACIÓN DE RESULTADOS



Cada unha das partes comprométese a non difundir, baixo ningún concepto, as informacions científicas ou técnicas pertencentes á outra parte ás que poida ter acceso no desenvolvemento do presente convenio marco e na definición e





Consello
Consultivo
de Galicia

preparación dos proxectos asociados ós convenios específicos a subscribir, sempre que esas informacións non sexan de dominio público.

Neste senso, a parte receptora da citada información manterá en confidencialidade e estrito segredo, e evitará revelala a calquera, fóra daqueles empregados autorizados e soamente naqueles temas necesarios para o obxecto deste convenio. En calquera caso, cada parte deberá, previamente, conseguir dos citados empregados un compromiso co fin de manter o segredo e exercer todos os esforzos razonables para reforzar ese compromiso.

DÉCIMA.- PROPIEDADE INTELECTUAL E INDUSTRIAL

Toda a información revelada aos efectos do presente convenio será propiedade exclusiva da parte que a xerou. Ningunha licencia ou similar se poderá considerar derivada do intercambio de información dunha parte cara á outra. Igualmente, ningunha parte utilizará a información da outra no seu propio beneficio.

O réxime de propiedade e xestión dos resultados derivados dos proxectos desenvolvidos no marco das actuacións asociadas a este convenio ou outros convenios específicos, será establecido en cada caso e dentro do convenio previo ao que se refire a Cláusula Cuarta.

DÉCIMO PRIMEIRA.- ENTRADA EN VIGOR E DURACIÓN

O presente convenio marco entrará en vigor no momento da súa sinatura e a súa vixencia será de 4 anos, renovables por un período máximo de 4 anos por acordo expreso das partes, mediante a subscrición dunha Addenda de prorroga.

DÉCIMO SEGUNDA.- MODIFICACIÓN E RESCISIÓN

As partes poderán modificar ou denunciar o presente documento en calquera momento por mutuo acordo. Calquera das partes poderá, á súa vez, denunciar





Consello
Consultivo
de Galicia

o convenio previa comunicación por escrito á outra parte con 3 meses de antelación á data na que o vaia dar por rematado. Nos dous casos deberanse finalizar as tarefas dos convenios específicos que estean vixentes.

DÉCIMO TERCEIRA.- PUBLICIDADE

A información contida no presente Convenio poderá ser obxecto de publicidade nos termos establecidos no artigo 8.1.b) da Lei 19/2013, do 9 de decembro, de Transparencia, Acceso á Información Pública e Bo Goberno (BOE 10/12/2013) e da Lei 1/2016, do 18 de xaneiro, de Transparencia e Bo Goberno de Galicia.

DÉCIMO CUARTA.- IMAXE CORPORATIVA



As partes poderán facer constar a presente colaboración sen que isto supoña autorización de uso da imaxe corporativa para un fin diferente ao das actividades reguladas no Convenio sendo, en todo caso, necesaria a autorización expresa da USC para facer uso do seu logotipo por calquera medio de difusión.

DÉCIMO QUINTA.- AUTORIZACIÓN DOS ASINANTES

As persoas que asinan o presente Convenio manifestan o seu consentimento e autorización para incorporar os seus datos persoais e o resto das especificacións contidas no mesmo.

DÉCIMO SEXTA.- PROTECCIÓN DE DATOS

As partes asinantes deste convenio garantirán a confidencialidade dos datos persoais ós que teñan acceso como consecuencia das actuacións realizadas durante a súa execución, de conformidade co establecido na Lei Orgánica 3/2018, do 5 de decembro, de protección de datos persoais e garantía dos dereitos dixitais e do disposto no Regulamento 2016/679 da UE.





DÉCIMO SÉTIMA.- XURISDICIÓN


O CCG e a USC comprométense a resolver de xeito amigable calquera desacordo que poida xurdir no desenvolvemento do presente convenio.

Se fora o caso, as partes someterán as diverxencias que se puideran presentar en orde á interpretación ou cumprimento do presente convenio á xurisdición contencioso-administrativa, dado o carácter público da USC.

E, en proba de conformidade con canto antecede, asinan no lugar e data indicados.

**Pola Universidade de
Santiago de Compostela**


O REITOR



Antonio López Díaz

**Polo Consello Consultivo de
Galicia**

O PRESIDENTE



José Luis Costa Pillado